

## Grote Anfraag

Fraktion der CDU  
Fraktion der FDP

Hannover, den 2. Februar 2011

### Neddersassen snackt Plattdüütsch

Mit dat Ünnerschrievan van de europäische Charta för de Regional- un Minnerheitsspraken hett dat Land Neddersassen de Plicht övernahmen, disse Spraken to bewohren un ehren Weert in Kultur, Tradition un ut de Geschicht herut gellen to laten. Dat Plattdüütsch in'n Noorden hett in de Geschicht bi dat Vörankamen van Neddersassen een wichtige Rull speelt un ward siet Johrhunnerten snackt. Minschen, de Plattdüütsch snackt, föhlt sick mit ehr Gegend verbunnen. Neeste Forschungen an de Universitäten Frankfurt/Main un Regensburg wiest, wo wichtig dat is, dat een in'n Stanen is, mehr Spraken uptonehmen.

Jüst dat frühe Upnehmen van een tweete Spraak, hier dat Plattdüütsch, versett Kinner in de Laag, Neet gauer to begriepen. Ok wenn later een drütte Spraak dorto kummt, fallt dat de Kinner, de al mit twee Spraken upwussen sünd, lichter. Dorüm is dat Plegen van de Regionalspraken een wichtige Doon in us Gesellschop. So is dat nödig, de Charta för de Regional- un Minnerheitsspraken Stütt un Stöhn to geven, wiel dat se een wichtige Arfdeel van Europas Kultur sünd. Plattdüütsch weer de Moderspraak för vää Minschen in Neddersassen, ehrder dat se mit Hochdüütsch befaat weern. Middewiel is dat bloots noch bi een Minnerheit van Neddersassens Inwahnern so. Dorüm mött disse Spraak Stütt, Stöhn un Hülpe kriegen, üm den Verlust van Tradition un dat Sik-Eens-Föhlen to verhinnern. Dat Verwennen van een Regional- un Minnerheitsspraak, privaat or öffentlich, is van de Charta her ok in de Grundrechten un de Rechten van de Börgers bi de „Vereinten Nationen“ fasthollen. Al siet 2007 hett dat Land Neddersassen väle Ünnernehmungen up'n Weg bracht, Plattdüütsch to fördern un to bewohren. So wurn in de Grundscholen Köppels grünnt, de mit dat Hegen un Plegen van Plattdüütsch befaat sünd. Ok in de Erwachsenenbillung speelt dat Opnehmen van Plattdüütsch een grote Rull. Een groot Rebett hett ok de Kultur innahmen. Hier sünd to'n Bispill Leeswettstriets un Theaterköppels uptönen.

Liekers mött mehr daan weern, de plattdüütsche Spraak in Neddersassen för tokamen Tieden ok to bewahren. De Lüe, de in Neddersassen noch Plattdüütsch snackt, hebbt sik in de lesden 25 Jahr up dat Halve verminnert. Dat liggt nu an den Enkelten sülvst, dorbi to hölpn, dat de plattdüütsche Spraak nich utstarven deit. Man dat kann bloots klappen, wenn de Kultur at Arfdeel van ganz Neddersassen – dat nedderdüütsche Stammland - de Minschen in'n Sinn trüchbracht ward. Üm dor hentokamen, is dat nödig, dat „Kulturgoed Nedderdüütsch“ ok een fasten Stellenweert at Billungsgoot in de Billungsinrichtungen intörümen.

### Üm dit Weten fraagt wi de Lannesregierung:

#### I. De plattdüütsche Spraak up dat Rebett van Vörschoolkinner

1. Wor ward de plattd. Spraak in Kinnergoorns wietergeven?
2. Woveel Kinnergoorns in Neddersassen köönt een Angebot in Plattdüütsch maken?
3. Woveel Kinner in Neddersassen waßt mit twee Spraken up (Hoch/Platt)?
4. Up wecken Weg weert de Mesters van Kinnergoorns wies, Plattdüütsch in disse Inrichtungen to snacken?
5. Wo hölpt de Landesregierung dorbi?
6. Wo fördert de Landesregierung Plattdüütsch bi de Lüttjen?

7. Van wovää Kinnergoorns giff dat Spraken-Gootachten (Konsultationskindertagesstätten) mit den Swoorpunkt „Förderung der der Mehrsprachigkeit“ un wovää dorvan hebbt at tweete Spraak Plattdüütsch?
8. Woveel Maten (Erzieherinnen) in de Kinnergoorn snackt noch een reine Plattdüütsch?
9. Giff dat Wieterbillung för disse Maten för Plattdüütsch?
10. Woveel van de Maten nehmt regelmäbig an een Wieterbillung för Plattdüütsch deel?

## II. De plattdüütsche Spraak an de Grundscholen

11. Wo ward de plattd. Spraak mit in den Ünnerricht van de Grundscholen upnahmen?
12. Wo kriegt de Mesters wat över de plattd. Spraak in den Ünnerricht to weten un wor köönt se sik dor up instellen?
13. Wo ward dat mit de plattd. Spraak in den Grundünnerricht (Kerncurricula) bi de Grundscholen holen?
14. An woveel Grundscholen giff dat Plattdüütsch at egenständigen Ünnerricht?
15. An woveel Grundscholen giff dat deelwies Plattdüütsch at Ünnerrichtsspraak?
16. Woveel ehrenamtliche Mesters sorgt för Plattdüütsch-AGs an Grundscholen?
17. Wecke Ünnerlagen giff dat för den Ünnerricht an Grundscholen?
18. An woveel Grundscholen is dat möglich, Plattdüütsch in'n Sinn van „Sprachenerwerb“ to liehren?
19. Woveel Mesters in de Grundscholen snackt noch dat reine Plattdüütsch?
20. Ward för Mesters wat to'n Wieterbillen anbaden, üm de plattdüütsche Spraak to vermiddeln?
21. Woveel Mesters van de Grundscholen billt sick in de Spraak wieter?
22. Giff dat Leeswettstriets för Kinner in de plattdüütsche Spraak?

## III. De plattdüütsche Spraak an de högeren Scholen

23. Wat deit de Lannesregierung dorför, dat Ünnerrichten van de Spraak in de Scholen to fördern?
24. Wecke Ünnerlagen to de plattd. Spraak giff dat för Böberscholen?
25. Wo ward gewährleist, dat Plattdüütsch, wat in de Grundscholen lieht wurr, up de Högeren Scholen wieter utboet weern kann.
26. Wecke Ünnerrichtsstunden weert up Platt afholen un wo löppt dat af?
27. Wo wirkt sick dat Könen van Plattdüütsch up de Tüchnisse ut?
28. Giff dat Zensuren för den Ünnericht?
29. Giff dat Leeswettstriets för Kinner un Jugendliche in Plattdüütsch?
30. Giff dat an Neddersassens Scholen Kurse för Plattdüütsch?
31. Ward plattdüütsche Literatur an de School ünnerricht?
32. Wo ward dat Entwickeln van Ünnerrichtsmaterial un dat Empfehlen för plattdüütschen Ünnerricht sowie dat Utprobeern bi't Ünnerrichten fördert?
33. Weert plattdüütsche Medien in den Ünnerricht upnahmen?
34. An woveel högere Scholen giff dat Plattdüütsch at egenständigen Ünnerricht?
35. An woveel högere Scholen giff dat Plattdüütsch de Ünnerrichtsspraak?
36. Woveel ehrenamtliche Mesters sorgt för Plattdüütsch-AGs an de Scholen?
37. Woveel Scholen stellt sik sülvst to'n Deel ok mit Plattdüütsch vör?
38. Wo ward dat mit de plattd. Spraak in den Grundünnerricht (Kernkurricula) van de Böberscholen holen?
39. Wor kann man Plattdüütsch mit in den Ünnerricht van Fremdspraken insetten?
40. Wor ward ünnerschiedlich Plattdüütsch van de enkelden Kuntreien tohoop faat, dat nüms dorbi to koort kummt?
41. An wecke Stä steiht de plattdüütsche Spraak un ehr Ünnerrichten in de Ut- un Wieterbillung van Mesters?
42. Is dat gewährleist, dat de Scholen sik to Fachratslag för Plattdüütsch verlaten köönt.
43. Woveel Mesters köönt noch een reine Plattdüütsch snacken?
44. An woveel Scholen giff dat faste Partners för Plattdüütsch?
45. Wecken Anreiz, Plattdüütsch to studeeren, giff dat för Lehramts-Studenten?
46. Wo werd Plattdüütsch-Kenntnisse bi dat Instellen van Mesters berücksichtigt?
47. Woveel Mesters nehmt an Wieterbillungen för de plattdüütsche Spraak deel?

**IV. De plattdüütsche Spraak an de Hochschule**

48. An wecke Hochschulen in Neddersassen giff dat een egen plattdüütschen Studiengang?
49. An wecke Hochschule ward Plattdüütsch tohoop mit een anner Studienfach lehr?
50. An wecke Hochschule kann man den Studiengang offiziell in Plattdüütsch afsluten?
51. Giff dat Kurse in Plattdüütsch an Neddersassens Hochschulen?
52. Van all Promotionen in Neddersassen sünd woveel mit Plattdüütsch befaat?
53. Up wecke Rebett ward in de Hauptsak forsch?
54. Woveel Stäen för Plattdüütsch giff dat an Neddersassens Hochschulen?
55. Woveel Lue sünd bi de Wetenschop mit de plattdüütsche Spraak befaat?
56. Wo hoch werd de Mesters an de Unis betahlt, de mit Plattdüütsch befaat sünd?
57. Woveel Studenten sünd in ehr Utbillung mit Plattdüütsch befaat?
58. Wo gaht de Studenten mit Plattdüütsch in de Tiet van ehr Utbillung um?
59. An wecke Unis in Neddersassen wurr in de lesden 10 Jahr Plattdüütsch at Studiengang wieter utbot un wor is Plattdüütsch in de lesden 10 Jahr trüch gahn un in wecken Umfang?

**V. De plattdüütsche Spraak in de Billung van de Groten (Erwachsenenbildung)**

60. Wo faken ward Plattdüütsch in de Wieterbillung van grote Lue anbaden? Woveel Stäen för Wieterbillung giff dat?
61. In wecken Umfang ward Plattdüütsch anbaden?
62. An woveel Stäen för Grote ward Plattdüütschünnericht (snacken un schrieven) rejell anbaden?
63. Woveel Prüfungen un Tüchnisse in Bezug up den „Euroäischen Bezugsrahmen“ för dat Liehren van Spraken giff dat?
64. Köönt de Groten ehre Plattdüütsch-Qualifikation van de Erwachsenenbillung her bi Utbillung van't Lehramt insetten?
65. Wecke Utbillung hebbt de Mesters (Dozenten) för Plattdüütschünnericht bi de Groten (in der Erwachsenenbildung)?

**VI. De plattdüütsche Spraak in'n Alldag**

66. Wor kaamt in Neddersassens Alldag twee Spraken (Hoch un Platt) to'n Drägen?
67. Woveel Lue snackt in Neddersassen Plattdüütsch?
68. Wor in Neddersassen is Plattdüütsch dagdäglich noch Umgangsspraak?
69. Wo ward Plattdüütsch bi de „Sozialarbeit“ insett?
70. Wor giff dat to'n Bispill Stratennamens or Oortsnamens in twee Spraken, also up Hoch un Platt?
71. Wor un in woveel Karkengemeenden ward plattdüütsch Gottesdeenst hollen?

**VII. De plattdüütsche Spraak in Kunst un Kultur**

72. An wecke Stä steiht de plattdüütsche Literatur in Neddersassen?
73. Wo ward Plattdüütsch at Kulturdräger van't Land fördert?
74. Giff dat spezielle „Stipendien“ för plattdüütsche Schrieverslue?
75. Wo bringt sik Plattdüütsch in de „Kulturszene“ van Neddersassen in?
76. Giff dat in Neddersassen plattdüütsche Films un werd se fördert?
77. Giff dat in Neddersassen rein plattdüütsche Theaters?
78. Wenn ja, wo vää un wer höört dor to?
79. Wecken Stellenweert hett de plattdüütsche Spraak bi de van't Land förderten Theaters?
80. Wo beurdeelt de Landesregeerung een Quote in Plattdüütsch för de Spielplaans van de Landestheaters?
81. Wat hett de Landesregeerung för Möglichkeiten, Plattdüütsch at Kulturdräger to fördern?
82. Woveel Laienspeelköppels giff dat in Neddersassen, de plattdüütsch Theater

- speelt?  
 83. Wor sünd de tohuus?  
 84. Wo werd disse Köppels förderd?  
 85. Woveel Chorsängers gifft dat, de een plattdüütsche Programm hebbt?  
 86. Wor sünd de tohuus?  
 87. Wo werd disse Köppels förderd?  
 88. Wo groot is dat plattdüütsche Leedgoot in Neddersassen?  
 89. Ward dit Leedgoot an een faste Stä tohoopfaat?  
 90. Wenn nich, is dat för Neddersassen plaant?  
 91. Gifft dat in Neddersassen egens Chor- or Theaterprojekte up Plattdüütsch?

### **VIII. De plattdüütsche Spraak in de Medien**

92. Wecke Blöer un Bidrääg werd dör de Bank weg in Plattdüütsch rutgeven?  
 93. Wecke „Medien“ kaamt ganz or deelwies in Plattdüütsch rut?  
 94. An wecke Stä steiht Plattdüütsch bi den „öffentlich-rechtlichen Rundfunk“?  
 95. Wecke Mööglichkeiten hett de Landesregeerung, de plattdüütsche Spraak Bistand to geven?  
 96. Wo urdeelt de Landesregierung över een Plattdüütschquote bi de „öffentlich-rechtlichen Medien“?

### **IX. De plattdüütsche Spraak in Vereens un Ehrenamt**

97. Wecke ehrenamtlichen Vereenigungen befaat sick in Neddersassen mit dat Bewahren van Plattdüütsch?  
 98. Wo ward disse Ehrenamtlichen in ehr Wark van de Landesregierung hulpen?  
 99. Woveel sett sik bit nu ehrenamtlich för de plattdüütsche Spraak in?  
 100. Wecke Bidrääg kaamt van disse Vereens un wo hoch sünd de Uplagen?  
 101. Wecke Rull späält Plattdüütsch generell bi de Vereens in Neddersassen?  
 102. Wo urdeelt de Landesregierung över de Rull van Plattdüütsch bi Heimaat- un Oortsbürgervereens?

### **X. De plattdüütsche Spraak at Behörden- un Gerichtsspraak**

103. Bi wecket offizielle Uptreden ward Plattdüütsch snackt or werd Reden up Platt hollen?  
 104. Kann man sick in Neddersassen up Plattdüütsch in de Amtsstuben troon (heiraten) laten?  
 105. Kann man in Neddersassen amliche Dokumenten or Breven, de in Plattdüütsch schreven sünd, vörleggen? Wo sütt dat dorbi denn mit dat Rechtschrieven ut?  
 106. Wor in Neddersassen or annerswo in Düüschland köönt Dokumenten in Plattdüütsch vörleggt weern?  
 107. Kann man sik in Neddersassen Dokumenten up Wunsch in Plattdüütsch utstellen laten or de Breve in twee Spraken verlangen?  
 108. In woveel Kommunen (van tohoop woveel) kann man sien Anfragen up Plattdüütsch hollen un dor ok plattdüütsch snacken?  
 109. Woveel Kommunen sünd in de Laag, een Antwoortschrieven up Plattdüütsch uptosetten?  
 110. Woveel Kommunen informiert ehr Börgers, dat se Anfragen ok up Plattdüütsch hollen köönt?  
 111. Woveel Kommunen hoolt ehr Versammlungen in'n Raat up Plattdüütsch af, un wo faken?  
 112. Woveel Kommunen hoolt Utschußsitten up Plattdüütsch af, wo faken?  
 113. Woveel Kommunen geevt Narichten för Börgers up Plattdüütsch rut?  
 114. Woveel Kommunen stellt sik deelwies up Plattdüütsch in't Internet vör?  
 115. Woveel Kommunen hebbt vergahn Johr plattdüütsche Veranstaltungen förderd or sülvst dörföhrt?  
 116. Woveel Bedeenstete in de Kommunen kennt den Inhalt van de Europäische Sprachencharta (in Perzent)?  
 117. Woveel Kommunen hebbt een' Plaan för dat Ümsetten van de Sprachencharta?  
 118. In woveel Kommunen gifft dat Lüe, de egens för Plattdüütsch tostännig sünd or

- Lüe, de man in disse Saak ansnacken kann?
119. Woveel Kommunen leggt bi Neeinstellungen Weert up Plattdüütsch snacken un stellt sünnlicher Lüe in, de Plattdüütsch snacken köönt?
  120. Woveel Kommunen laat ehr Personaal in Plattdüütsch wat tolehren?
  121. Woveel Kommunen hebbt een Plaan för Billung in de plattdüütsche Spraak (anfungen in't Öllernhuus bit hen na de VHS)?
  122. Giff dat in Neddersassen enerwegens anner Behöörden (to'n Bispill de Fiskus or de Regeerung), de anbeden doot, offizielle Dokumente or Anfragen bi ehr up Plattdüütsch to stellen?
  123. Wecke Gerichte in Neddersassen geevt de Möglichkeit, de plattdüütsche Spraak to verwennen?

#### **XI. Dat Gellen laten van Plattdüütsch at Regionalspraak**

124. Wo wiet is dat dor mit, de ünnerscheedlichen plattdüütschen Dialekte to een eenheitliche Schrievwies tosamen to faten?
125. Wo kann een Sprakendidaktik för Plattdüütsch upstellt weern?
126. Wo liggt de Ünnerscheed twüschen een hochdüütsche Dialekt un een Regionalspraak?
127. Worin sünd de Vördeele bi't Fördern un Gellen laten van Plattdüütsch at Regionalspraak to sehn?

#### **XII. De plattdüütsche Spraak bringt Identität**

128. Wecke Ünnerschede in de Regionen giff dat bi de plattdüütsche Spraak in Neddersassen?
129. Wo urdeelt de Landesregierung över dat Doon un Denken, de verscheden plattdüütschen Dialekte to een eenheitliche plattdüütsche Schrievwies tohoop to faten?
130. Wat för een Möglichkeit süht de Landesregierung, över de plattdüütsche Spraak to een gemeensame Streben för Neddersassen to kamen?

#### **XIII. De plattdüütsche Spraak at Kulturgoot fastholen**

131. Wat deit de Landesregeerung, üm de plattdüütsche Spraak för de Wetenschop to konserveeren un för us Nakamen to bewohren?
132. Wat deit de Landesregeerung dorför, dat Plattdüütsch in Woort un Schrift lebennig blifft?
133. Wecke Rutgever (Publikationen) geevt dat Land Stütt un Stöhn, dat de Spraak bewohrt ward?
134. Wecke Inrichtungen van de Wetenschop forscht in Neddersassen un sünd mit de Spraak befaat?

#### **XIV. De Geschicht van de plattdüütsche Spraak**

135. Wo wurr in verleden Tieden mit de plattdüütsche Spraak ümgahn?
136. Wecken Tell harr de plattdüütsche Spraak to Tieden van de Hanse in Düütschlands Noorden?

#### **XV. Wat us mit use Navers verbinnt**

137. Wecke Möglichkeit süht de Landesregierung, över de plattdüütsche Spraak to mehr Tosamenarbeit mit us Navers in de Nedderlannen, to'n Bispill in Weten- un Wirtschop, to kamen?
138. Giff dat gemeensame „Forschungsprojekte“ över de plattdüütsche Spraak in Neddersassen un de Nedderlannen?
139. Wo eng is de plattdüütsche Spraak mit de Spraak in de Nedderlannen verwandt or giff dat in de Nedderlannen een Dialekt, de villicht up Plattdüütsch rut kummt?
140. Wenn ja, wo kann disse Verwandtschop van Nütten wään?

Für die Fraktion der CDU

Björn Thümler MdL  
Fraktionsvorsitzender

Für die Fraktion der FDP

Christian Dürr MdL  
Fraktionsvorsitzender